

2. vit. Sic per manus traditam eam reges sapientes cognoverunt. Haec devotio diuturno tempore in hoc mundo periit,
 3. hostium vexator. Eadem illa devotio antiqua hodie a me tibi declarata est. Tu cultor meus es atque amicus: mysterium hoc scilicet praestantissimum.

ARJUNAS *loquitur*:

4. Posteriores sunt natales tui, priores Vivasvantis natales; quomodo istud intelligam, quod ais: »initio declaraveram?«

ALMUM NUMEN *loquitur*:

5. Plurimi iam praeteriere mei natales, tuique, o Arjuna! Hosce ego universos novi, tu vero haud nosti, hostium vexa-
 6. tor. Quanquam innatus sum, incorruptibilis, quanquam animantium sum dominus, naturae meae imperans subinde
 7. nascor, praestigiis mihi insitis. Quandocunque scilicet pietatis languor existit, o Bhârata, et incrementum impietatis,
 8. tunc me ipsum ego procreeo. Ad vindicationem bonorum et ad eversionem sceleratorum, pietatis stabiliendae gratia,
 9. nascor per singula secula. Genituram et opus meum divinum qui sic penitus novit, corpore relicto non ad novam ge-
 10. nituram regreditur, ad me accedit ille, o Arjuna! Soluti ab affectu, terrore, ira, mei similes, me confisi, multi scientiae castimonia lustrati in meam essentiam transiere. Hi
 11. quemadmodum ad me convertuntur, itidem eos ego colo. Mea
 12. vestigia sectantur homines, Prithae filii, omnimodo. Qui cupiunt operum successum, ii Divis in hoc orbe litant. Brevi
 13. sane in vita mortali successus obtingit opere partus. Quaternorum ordinum stirpes a me creati sunt secundum qualitatum operumque distributionem; harum me ipsum scias aucto